

# BULETIN PERPUSTAKAAN NEGERI SABAH



Menarik di dalam...

Edisi MEI - OGOS

ISU: 2, 2018

04



MAJLIS  
SAMBUTAN  
HARI RAYA  
AIDILFITRI  
2018

05



PAMERAN  
SENI LUKIS  
KANAK-KANAK  
MALAYSIA  
JEPUN 2018

10



PERSIDANGAN  
IFLA 2018 DI  
KUALA LUMPUR



## SIDANG PENGARANG

### Ketua Editor:

Pn Dg. Salwah Pg Abd Razak  
*DgSalwah.PgAbdRazak@sabah.gov.my*

### Editor:

DK Mastura Pg Ismail  
*DkMastura.Pg.Ismail@sabah.gov.my*

### Pereka Grafik & Penyusunan Teks:

Mohd Tarmizi Bin Mohd  
Salleh  
*TarmiziSalleh91@gmail.com*

### Jurugambar:

Jonathan Leslie Panamba  
*JonathanLeslie.Panamba@sabah.gov.my*

### Pelajar Praktikal:

*Pg. Siti Norsyazwani Bt.  
Pg. Shamshuddin*

ISSN 2289-9499



9 772289 949004

Salam Sejahtera,

Selamat menyambut Hari Merdeka kepada warga kerja PNS. Dengan tema ‘Sayangi Malaysiaku’, semoga kasih sayang dan rasa cinta kita kepada negara ini semakin terpelihara.

Walaupun agak terlewat tetapi diucapkan juga Selamat Hari Raya Aidil Fitri dan Aidil Adha kepada warga kerja yang meraikannya. Diharap momentum kejayaan melalui bulan puasa dan penghayatan makna pengorbanan mampu mencetus kemajuan dalam pencapaian peribadi masing-masing sebagai penjawat awam.

Bagi penggal pertengahan tahun 2018 ini, sekali lagi kita mengukir pencapaian di peringkat antarabangsa dengan kejayaan penganjuran berterusan program usaha sama, ‘Friendly Relationship Through Pictures’ bersama MAY Library (Jepun) dan Jabatan Pendidikan Negeri Sabah dalam Pameran Lukisan Kanak-kanak Malaysia dan Jepun.

Selain itu, kesempatan para pustakawan kita seramai 8 orang menghadiri persidangan yang dianjurkan oleh International Federation of Library Association (IFLA), di mana Kuala Lumpur sebagai tuan rumah, telah membuka ruang kepada kita melebarkan jaringan kerjasama, menyebarkan aspirasi jabatan serta menyuarakan idea di peringkat



global. Bukan itu sahaja, penglibatan tiga orang pustakawan kita sebagai tenaga sukarelawan telah membuktikan sokongan kita terhadap badan antarabangsa terkemuka berkenaan, sekali gus mewakili kepentingan perpustakaan dan perkhidmatan maklumat dan pengguna, secara umum. Pembukaan Perpustakaan Desa Kepayan Baru di Daerah Keningau juga turut mencatat sejarahnya tersendiri dan menjadi satu lagi bukti kesungguhan hasrat kita merealisasikan visi dan misi PNS.

Sebelum kita sampai di penghujung 2018, masih ada peluang untuk kita bersama-sama memberi perkhidmatan cemerlang kepada masyarakat demi mencapai visi menjadikan PNS sebagai Perpustakaan Awam terunggul di Malaysia. Marilah kita teruskan langkah dan semoga kejayaan mengiringi setiap harapan kita.

*Wong Vui Yin*  
Pengarah  
Perpustakaan Negeri Sabah

Hantarkan sebarang pertanyaan, pendapat, pengalaman menarik, seram atau romantik sepanjang bertugas di PNS ataupun perkongsian maklumat ke:

Bahagian Korporat & Penerbitan atau ke alamat emel sidang pengarang buletin yang tertera di atas.

## LAWATAN KERJA DARI KEMENTERIAN KESIHATAN DAN KESEJAHTERAAN RAKYAT KE IBU PEJABAT PNS

### Ibu Pejabat PNS, 23 Mei 2018

Pihak Perpustakaan amat mengalu-alukan kedatangan Menteri di Kementerian Kesihatan dan Kesejahteraan Rakyat, YB Tuan Stephen Wong Tien Fatt bersama Pembantu Menteri YB Puan Nurazlinah Arif berserta rombongan ke Perpustakaan Negeri Sabah. Lawatan ini adalah lawatan pertama kalinya selepas perubahan kerajaan baharu dan Perpustakaan Negeri Sabah bernaung di bawah Kementerian Kesihatan dan Kesejahteraan Rakyat. Namun kini, Perpustakaan Negeri Sabah bernaung di bawah Kementerian Pelajaran dan Inovasi, iaitu di bawah Menteri Pelajaran dan Inovasi Yang Berbahagia Datuk Dr. Yusof Yacob.




## JUALAN AMAL BAKTI PNS SEMPENA RAMADHAN

### Ibu Pejabat PNS, 5 - 7 Jun 2018

Jualan Amal anjuran BAKTI PNS telah berlangsung semasa bulan puasa yang lepas. Jualan ini berlangsung pada 5 hingga 7 Jun 2018 dari jam 9.00 pagi hingga 3 petang. Jualan Amal yang diadakan mendapat sambutan yang memberangsangkan bukan sahaja dari kakitangan tetapi juga dari pengguna perpustakaan dengan hasil kutipan jualan sebanyak RM 1822.20. Hasil kutipan tersebut disalurkan ke rumah anak yatim, ibu tunggal dan mereka yang memerlukan.



## JUALAN AMAL BAKTI PNS SEMPENA RAMADHAN



### Ibu Pejabat PNS, 17 Jan 2018

Program World #QuranHour 2018 di Ibu Pejabat Perpustakaan Negeri Sabah yang telah diadakan juga pada bulan Ramadhan. Program ini adalah program yang dilaksanakan seluruh dunia dan juga di sambut di Mekkah dan Madinah.

## PENYERAHAN BAHAN & LAWATAN KESEDARAN ENAKMEN

Seperti yang telah termaktub di dalam Enakmen Perpustakaan Negeri Sabah 1988 (Pindaan) 2007, penulis dan penerbit tempatan perlu menghantar tiga (3) salinan hasil karya bahan penerbitan di Sabah seperti buku, bahan ilmiah, CD atau VCD. Bahan-bahan ini akan disimpan sebagai bahan rujukan dan juga bagi tujuan pemeliharaan bahan.

### PENYERAHAN BAHAN



Penyerahan buku Long Pasia oleh Puan Colleen Tan

### Mengenai Buku Long Pasia:

Edisi kedua ini berjaya diterbitkan atas usaha minat dan dedikasi daripada Colleen Tan dan sokongan ikhlas dari Outfitters Borneo Sdn Bhd. Buku ini mengisahkan tentang Taman Maga atau lebih dikenali sebagai TAMANO yang diberi nama sempena nama orang yang pertama menjumpai dan memajukan kawasan tersebut di mana beliau merupakan orang yang telah banyak mengorbankan masa dan keselamatan dirinya demi untuk mempertahankan kawasan yang unik dan indah tersebut. Nooh merupakan orang yang pertama menjumpai taman tersebut dan beliau juga bertanggungjawab dalam menjadikan kawasan tersebut sebagai salah sebuah kawasan pelancongan alam semula jadi. Suku kaum Lundayeh merupakan penduduk yang tinggal di kampung Long Pasia. Buku ini mengongsikan pelbagai tempat menarik dan bersejarah untuk dikunjungi para pelancong.

### LAWATAN KESEDARAN ENAKMEN PERPUSTAKAAN NEGERI SABAH 1988, (PINDAAN) 2007



01.08.2018  
Pejabat Daerah Kota Belud



01.08.2018  
Pejabat Daerah Kota Marudu



02.08.2018  
SK. St. James, Kudat



02.08.2018  
Pejabat Pelajaran Daerah Kudat

## MESYUARAT JAWATANKUASA INDUK PAMERAN SENI LUKIS PELAJAR-PELAJAR MALAYSIA & JEPUN



### PNS Kota Belud, 4 Jun 2018

Mesyuarat Jawatankuasa Induk Pameran Seni Lukis Pelajar- Pelajar Malaysia dan Jepun telah diadakan di PNS Cawangan Kota Belud sebelum

Program tersebut dijalankan. Program yang dijalankan setiap tahun ini adalah kerjasama pintar antara Perpustakaan Negeri Sabah, May Asaka Centre (MAY Library) Jepun dan Jabatan Pendidikan Negeri Sabah. Pada tahun ini daerah Kota Belud telah dipilih sebagai tuan rumah bagi Program Seni Lukis Kanak-Kanak Malaysia dan Jepun 2018.

Mesyuarat telah dipengerusikan oleh Timbalan Pengarah Kanan Perpustakaan Negeri Sabah, Puan Maria Sinti.

## Program Kesejahteraan Keluarga Sempena Majlis Sambutan Hari Raya Aidilfitri 2018



### Wisma Wanita, 20 Jun 2018

Program Kesejahteraan Keluarga Sempena Majlis Sambutan Hari Raya Aidilfitri 2018 telah diadakan di Wisma Wanita dan disambut meriah. Pelbagai agensi dan jabatan kerajaan negeri yang bernaung di bawah Kementerian Kesihatan dan Kesejahteraan Rakyat terlibat bagi memeriahkan program ini. Turut hadir pada program ini ialah Menteri Kesihatan dan Kesejahteraan Rakyat, YB Tuan Stephen Wong Tien Fatt bersama Pembantu Menteri YB Puan Nurazlinah Arif. Kumpulan band muzik dari Perpustakaan Negeri Sabah iaitu “The Rival” turut tidak ketinggalan menyampaikan persembahan pada majlis tersebut dan secara tidak langsung memeriahkan lagi suasana dengan persembahan yang memukau.



## SUMBANGAN AMAL BAKTI PNS

### Ibu Pejabat PNS, 11 Jun 2018



Rombongan BAKTI PNS menyampaikan sumbangan amal kepada golongan asnaf dan yang memerlukan. Golongan tersebut terdiri daripada golongan fakir miskin, ibu tunggal, mualaf, pusat-pusat pengajian Tahfiz dan rumah anak-anak yatim.

## MAJLIS PERASMIAN PAMERAN SENI LUKIS KANAK-KANAK MALAYSIA DAN JEPUN 2018



### PNSC Kota Belud, 11 Julai 2018

Majlis Perasmian Pameran Seni Lukis Kanak-Kanak Malaysia dan Jepun 2018 di bawah Program “Friendly Relationship Through Pictures” telah diadakan dengan jayanya di Perpustakaan Negeri Sabah Cawangan Kota Belud. Pada tahun ini, daerah Kota Belud telah terpilih menjadi tuan rumah bagi mengadakan Program yang merupakan kerjasama pintar dari dua negara iaitu May Asaka Library Jepun dan Perpustakaan Negeri Sabah Malaysia. Pada tahun lepas (2017), program sama telah diadakan di Ibu Pejabat Perpustakaan Negeri Sabah.

Setiausaha Tetap Kementerian Pelajaran dan Inovasi, Yang Berbahagia Datuk Bruno Vun mewakili Menteri Pelajaran dan Inovasi Sabah, Yang Berhormat Datuk Yusof bin Yacob hadir merasmikan Majlis Perasmian Seni Lukis Kanak-kanak Malaysia dan Jepun 2018. Turut hadir pada Majlis tersebut ialah Konsul Jepun bagi Sabah, Sarawak dan Wilayah Persekutuan Labuan, Yang Berbahagia Puan Hiroko Matsuo.

Terdapat kira-kira 300 buah lukisan yang di pamerkan sepanjang program tersebut dijalankan. Lukisan-lukisan tersebut terdiri daripada lukisan pelajar-pelajar dari 57 buah sekolah rendah di daerah Kota Belud dan lukisan pelajar-pelajar dari sekolah rendah di daerah Asaka Jepun.

## BENGKEL LUKISAN DARI TENAGA PENGAJAR JEPUN

### PNSC Kota Belud, 11 Julai 2018

Bengkel Lukisan dari tenaga pengajar dari negara Jepun turut diadakan pada hari sama Perasmian Pameran Seni Lukis Kanak-kanak Malaysia dan Jepun. Bengkel ini telah dihadiri oleh 30 orang daripada guru sekolah rendah di sekitar daerah Kota Belud, 2 orang kakitangan daripada Kementerian Pelajaran dan Inovasi dan 8 orang kakitangan Perpustakaan Negeri Sabah yang melibatkan

2 orang kakitangan daripada PNS cawangan Kota Belud dan selebihnya daripada PNS cawangan Kudat dan Kota Marudu.

Sesi bengkel telah dikendalikan sepenuhnya oleh seorang tenaga pengajar daripada MAY Asaka Center, Puan Nakamura Mieko dan dibantu seorang alih bahasa iaitu Encik Oike Atsushi.



## PENYERAHAN KUNCI PD KAPAYAN BARU, KENINGAU



### PD Kapayan Baru, 10 Ogos 2018

Perpindahan dan penyerahan kunci bangunan baharu Perpustakaan Desa Kapayan Baru, Keningau oleh Ketua Bahagian Rangkaian Perpustakaan Negeri Sabah, Encik George Yih kepada Pengawas Perpustakaan Desa, Encik Benjamin Sinor. Perpustakaan Desa telah dibuka pada orang awam pada 13 Ogos 2018 ( Isnin ).



## LAWATAN SAMBIL BELAJAR SEKOLAH KE PERPUSTAKAAN NEGERI SABAH

### Dewan Serbaguna Mataking, Ibu Pejabat Perpustakaan Negeri Sabah

Perpustakaan Negeri Sabah merakamkan setinggi-tinggi penghargaan kepada rombongan dari SMK Gadong Beaufort dan SMK Pekan Kuala Penyu kerana telah memilih Perpustakaan Negeri Sabah sebagai tempat bagi menjalankan lawatan sambil belajar. Semoga lawatan yang dijalankan memberi ilmu dan manfaat yang berguna pada masa mendatang.

SMK GADONG BEAUFORT, 20 OGOS 2018



SMK PEKAN KUALA PENYU, 5 SEPTEMBER 2018



## MESYUARAT BERSAMA YB PEMBANTU MENTERI KESIHATAN & KESEJAHTERAAN RAKYAT DAN PEGAWAI DAERAH KUNAK



### Kunak, 10 Ogos 2018

Mesyuarat bersama Yang Berhormat Puan Norazlinah Bt Arif, Pembantu Menteri Kesihatan dan Kesejahteraan Rakyat dan Pegawai Daerah Kunak, Encik Susilo Sumarto telah diadakan bagi membincangkan rancangan pembinaan bangunan Perpustakaan Negeri Sabah yang bakal dibangunkan di daerah tersebut.

## DECOUPAGE DI KEMENTERIAN



### Pejabat Kementerian, 07 Mei 2018

Aktiviti Decoupage telah diadakan di Pejabat Kementerian Kesihatan dan Kesejahteraan Rakyat. Setiausaha Tetap Kementerian, Puan Janet K.L Chee turut serta menjalankan aktiviti ini. Aktiviti ini diadakan adalah antara pengisian sambutan Kaamatan di bangunan kementerian ketika itu.

## AKTIVITI KREATIVITI SEMPENA HARI IBU



### Ibu Pejabat PNS, 12 Mei 2018

Sempena sambutan Hari Ibu, Perpustakaan Negeri Sabah tidak ketinggalan melakukan aktiviti sempena memperingati jasa ibu. Unit Galakan membaca telah membuat aktiviti kraftangan khas untuk diberikan kepada ibu yang tercinta.

**WORLD PLAY DAY 2018****Ibu Pejabat PNS, 28 Mei 2018**

Pelbagai aktiviti yang menyeronokkan telah diadakan sempena "World Play Day" 2018, antara aktiviti-aktiviti yang telah disediakan bersempena sambutan hari tersebut ialah aktiviti mewarna, decoupage dan banyak lagi.

**BENGKEL TACTILE BERSAMA PELAJAR****SMK St Francis Convent (M), 27-28 Jun 2018**

Bengkel Tactile telah diadakan bersama para pelajar dan guru seluruh Kota Kinabalu. Bengkel yang dijalankan mendapat penyertaan yang memberangsangkan oleh peserta-peserta yang terlibat. Bengkel ini antara lain adalah usaha bagi menjalankan kerjasama pintar antara pelajar-pelajar sekolah dan Perpustakaan Negeri Sabah bagi menghasilkan buku tactile khas kepada golongan yang kurang upaya (penglihatan).

**SEKOLAH DALAM HOSPITAL LIKAS****Hospital Kanak-kanak Likas, 12 Julai 2018**

Pelbagai aktiviti telah dijalankan oleh Unit Galakan Membaca Perpustakaan Negeri Sabah bertempat di Sekolah Hospital Likas sempena Bulan Membaca di sekolah tersebut.

## AKTIVITI DI KEMENTERIAN KESIHATAN DAN KESEJAHTERAAN RAKYAT



### **SMK St Francis Convent (M), 28 Jun 2018**

Aktiviti unit galakan membaca dilakukan sekali lagi di Kementerian Kesihatan dan Kesejahteraan Rakyat dan pada kali ni aktiviti Origami pula telah dijalankan. Aktiviti yang dianjurkan mendapat sambutan yang menggalakkan dari kakitangan Kementerian dan Setiausaha Tetap sendiri Puan Janet K.L. Chee yang turut serta menjalankan aktiviti bersama.

## WALLACE HOME

### **Wallace Home,**

**28 Jun 2018**

Unit Galakan Membaca berkunjung ke Rumah Orang Tua Wallace bagi melakukan aktiviti membaca suratkhabar dan info-info terkini kepada penghuni rumah selain itu aktiviti untuk kanak-kanak turut disediakan kepada anak-anak penghuni Wallace Home.



## FESTIVAL KUDAT 2018



### **Kudat, 26-29 Julai 2018**

Pelbagai aktiviti telah dijalankan di gerai Perpustakaan Negeri Sabah khas kepada pengunjung-pengunjung di daerah Kudat pada Pesta Kudat yang berlangsung selama 4 hari ini. Festival ini adalah anjuran Pejabat Daerah Kudat. Antara aktiviti yang tersedia di gerai PNS ialah ialah pendaftaran keahlian percuma, aktiviti Unit Galakan Membaca dan aktiviti untuk kanak-kanak, promosi perkhidmatan perpustakaan dan pameran bahan bacaan perpustakaan.

**HARI KESELAMATAN PETROSAINS****Ibu Pejabat PNS,****18 Julai 2018**

Perpustakaan Negeri Sabah tidak ketinggalan untuk turut serta pada Hari Keselamatan anjuran Petrosains dengan membuka gerai dan menyediakan pelbagai aktiviti untuk pengunjung perpustakaan.

**AKTIVITI GALAKAN MEMBACA DI WALLACE****Wallace Home,  
2 Ogos 2018**

Sekali lagi Unit Galakan Membaca ke Rumah Orang Buta Wallace bagi melakukan aktiviti bersama penghuni rumah. Aktiviti ini adalah atas permintaan penghuni rumah menjemput PNS sekali lagi bagi menjalankan aktiviti.

**IFLA 2018 DI KUALA LUMPUR****Kuala Lumpur, 24 - 31 Ogos**

Persidangan Persekutuan Perpustakaan dan Institusi Antarabangsa (IFLA) Kongres Perpustakaan dan Maklumat Dunia (WLIC) 2018 telah diadakan di Pusat Konvensyen Antarabangsa (KLCC) di Kuala Lumpur pada 24 hingga 31 Ogos 2018.

Persidangan tujuh hari yang julung kali diadakan di Malaysia itu, dianggarkan melibatkan lebih 3,000 peserta dari 140 negara serta 70 peserta pameran. Oleh yang demikian, peserta dapat bersemuka dan berkenalan dengan seramai yang boleh dan seterusnya mewujud jaringan dengan peserta yang datang dari pelbagai latar belakang dan negara.

Sebanyak 250 sesi pembentangan kertas kerja dijadualkan, manakala seminar prapersidangan turut diadakan selama dua hari bermula 22 Ogos di beberapa perpustakaan di Kuala Lumpur, Selangor dan Pulau Pinang.

**TAMAN CAHAYA MATA SANDAKAN****Sandakan, 14 Ogos 2018**

Perpustakaan Negeri Sabah menjadi penganjur bagi Pertandingan Membaca Braille yang berlangsung di Dewan Taman Cahaya Sandakan. Dewan Cahaya Mata Sandakan merupakan salah satu penempatan Orang Kurang Upaya (OKU) penglihatan.

**HAVE FUN WITH ENGLISH CAMP 2018****Ibu Pejabat PNS, 18 Ogos 2018**

Program anjuran bersama antara Institut Perguruan Gaya, Indep Education Foundation, Perpustakaan Negeri Sabah dan Petronas. Pelbagai aktiviti berbahasa Inggeris telah diadakan antaranya ialah Jejak Maklumat, mencari perkataan tersembunyi dan banyak lagi aktiviti-aktiviti yang menarik. Kira-kira seramai 200 orang murid terlibat dalam aktiviti ini yang datang dari sekitar Kota Kinabalu dan 2 sekolah dari daerah Ranau yang mewakili Sekolah Menengah dan Sekolah Rendah.


**SEMPENA HARI KEBANGSAAN****Ibu Pejabat PNS,  
11 Ogos 2018**

Bersempena Bulan Kebangsaan pada bulan Ogos yang lepas, pelbagai aktiviti telah dijalankan kepada pengunjung perpustakaan bagi memeriahkan lagi sambutan bulan kebangsaan pada tahun ini. Antara aktiviti-aktiviti seronok yang disediakan ialah sesi mewarna bersempena dengan Hari Kebangsaan, aktiviti membuat puzzle, kraftangan Decoupage dan banyak lagi.



**PAMERAN SEMPENA HARI KEBANGSAAN DI IMAGO****Kota Kinabalu, 24 - 31 Ogos 2018**

Sempena bulan Hari Kebangsaan Perpustakaan Negeri Sabah turut serta membuka gerai di bawah Kementerian Pelajaran dan Inovasi. Arkib Negeri Sabah merupakan penganjur utama bagi pameran yang berlangsung selama seminggu ini selain seluruh kementerian negeri Sabah dan Pusat Membeli Belah Imago. Pelbagai aktiviti menarik disediakan sepanjang pameran berlangsung. Gerai Kementerian kita berjaya memenangi naib johan bagi anugerah gerai terbaik.

**OOKBEE BUFFET****Ibu Pejabat PNS, 5 September 2018**

Taklimat Pembentangan Pangkalan Data Ookbee Buffet telah dijalankan di Bilik Seminar Kapalai dan telah dihadiri kira-kira 23 orang kakitangan daripada Ibu Pejabat Perpustakaan Negeri Sabah. Ookbee Buffet merupakan salah satu daripada 2-sumber yang merupakan aplikasi di bawah pengelolaan U-Pustaka.



## KURSUS DALAMAN GUBAHAN BUNGA

### Ibu Pejabat PNS, 15 Mei 2018

Kursus dalaman gubahan bunga yang telah berlangsung pada 15 Mei 2018 bertempat di Bilik Seminar Kapalai telah mengajar para peserta kursus seni dan cara-cara bagi menggubah bunga. Penceramah yang juga tenaga pengajar kursus ini ialah Puan Yunis Helena Rojiin, Ketua Bahagian Penghantaran. Beliau telah mengajar peserta kursus langkah-langkah yang tepat bagi menggubah bunga. Kursus berakhir dengan peserta membawa balik hasil gubahan bunga masing-masing. Rata-rata peserta kursus berminat menggubah bunga dan berharap agar kursus ini dijalankan lagi.



## KURSUS JOLLY PHONICS

### Ibu Pejabat PNS, 1 - 2 September 2018

Kursus Jolly Phonics yang dijalankan selama dua hari telah diadakan di Ibu Pejabat Perpustakaan Negeri Sabah pada 1 dan 2 September 2018. Sesi terbuka kepada dua iaitu pada orang awam dan kakitangan Perpustakaan Negeri Sabah. Kursus ini memberi pendedahan kepada pesertanya tentang teknik atau kaedah yang efektif pendidikan awal kanak-kanak dengan mengajar mereka mengeja dan mengenal abjad melalui bunyi. Kursus ini amat memberi manfaat khususnya kepada kakitangan Unit Galakan Membaca yang banyak menjalankan aktiviti bersama kanak-kanak bagi menarik perhatian mereka.



## TAKLIMAT BERKENAAN PENYAKIT KAKI TANGAN DAN MULUT

### Ibu Pejabat PNS, 6 September 2018

Penularan wabak penyakit kaki tangan dan mulut atau lebih dikenali dengan singkatan HFMD di Malaysia menampakkan peningkatan yang membimbangkan. Oleh yang demikian, pencegahan awal perlu dilakukan agar umum lebih bersedia khususnya para ibu bapa. Taklimat berkenaan penyakit kaki tangan dan mulut telah diadakan bagi memberi kesedaran tentang bahaya wabak tersebut dan langkah-langkah pencegahan awal di Auditorium aras 8 oleh Dr. Mervin George daripada Jabatan Kesihatan Negeri Sabah.



## LAWATAN SAMBIL BELAJAR DARI TADIKA

Perpustakaan Negeri Sabah amat berbesar hati menerima lawatan adik-adik comel ke Perpustakaan Negeri Sabah. Diharap anak-anak kecil ini mendapat manfaat sepanjang lawatan yang diadakan dan memupuk minat mereka untuk cinta akan membaca. Bak kata pepatah, melentur buluh biarlah dari rebungnya.

PUSAT ANAK PERMATA PINTAR PENAMPANG - 21 SEPTEMBER 2018



TADIKA METHODIST KOTA KINABALU - 27 SEPTEMBER 2018



## SLOT INFO TAMBAHAN

### MOHAMAD FARID TERIMA ANUGERAH PINGAT HANG TUAH.

Seorang pelajar berusia 12 tahun yang menyelamatkan enam rakananya daripada menjadi mangsa kebakaran Pusat Tahfiz al-Quran Wartabiyatul Islamiah di Baling, Kedah pada Ogos 2017, menerima anugerah Pingat Hang Tuah atas keberaniannya. Mohamad Farid Iskandar Mohd. Zulkarnain, yang juga merupakan pelajar pusat tahfiz berkenaan, menerima anugerah tersebut daripada Timbalan Perdana Menteri, Datuk Seri Dr. Ahmad Zahid Hamidi sempena Sambutan Bulan Kebajikan Negara 2017 yang diadakan di Pusat Latihan Perindustrian dan Pemulihian (PPLP) di Bangi. Mohamad Farid Iskandar ketika ditemui melahirkan rasa gembira kerana menerima penghargaan tersebut. "Saya berasa amat gembira mene-

rima anugerah ini kerana bukan ramai yang boleh dapat. Ketika itu, saya tidak fikir apa pun. Saya hanya terus masuk asrama kerana hanya muhi selamatkan nyawa kawan-kawan lain," katanya ketika ditemui pemberita pada Majlis Sambutan Bulan Kebajikan Negara 2017 anjuran Kementerian Pembangunan Wanita, Keluarga dan Masyarakat. Yang turut hadir, Menteri Pembangunan Wanita, Keluarga dan Masyarakat, Datuk Seri Rohani Abdul Karim dan timbalannya, Datuk Seri Azizah Mohd Dun. Mohamad Farid turut menerima hadiah berupa trofi, sijil serta wang tunai RM5,000. Anugerah Pingat Hang Tuah diperkenalkan pada 1960 diberikan kepada tokoh kanak-kanak negara berdasarkan keberanian luar biasa mereka.

Source: <http://www.utusan.com.my/berita/nasional/>



# SLOT INFO TAMBAHAN

Lagu tema Hari Kebangsaan nukilan vokalis kumpulan muzik rock, Bunkface bertajuk *Kita Punya Malaysia* yang mempunyai elemen dan berlainan sebagai ekspresi kepada kerajaan baharu yang berbeza dan lebih bertenaga. Maksud tersirat dalam lagu ini memupuk kepelbagaiannya kaum dan kepentingan perpaduan sebagai sebuah bangsa dalam membangunkan negara.

**HARI KEBANGSAAN 2018**

**TEMA**  
■ **LOGO**  
Hasil ciptaan : Nik Zulkifli Nik Hitam  
**Sayangi Malaysiaku**

**LAGU**  
Hasil ciptaan : Sam Bunkface  
**"Kita Punya Malaysia"**  
- Nyanyian Bunkface

Simbol rakyat melakukan gerakan riang mengangkat tangan, dengan satu bentuk hati di hadapan menyatukan mereka

Membawa maksud warganegara Malaysia terdiri daripada **berbilang bangsa hidup dalam harmoni, seja sekata, bersatu padu & kasih sayang** kepada negara

## INSPIRASI: ANAK MALAYSIA HEBAT

### HIDANG PULUT KUNING GADIS MALAYSIA MUNCUL JUARA KEJOHANAN MEMASAK ANTARABANGSA DI KANADA

Anak muda tempatan dari Sabah, Safura Tawil telah mengharumkan nama negara apabila muncul juara pertandingan kulinari antarabangsa berprestij, 'Embassy Chef Challenge 2016' di Ottawa, Kanada. Kejayaan ini adalah yang pertama dicapai oleh rakyat Malaysia. Safura Tawil (25 tahun) dengan mengalahkan 10 lagi chef dari Belgium, Guatemala, Jamaica, Sepanyol, United Kingdom, Perancis, Honduras, Kazakhstan, Pakistan, dan Trinidad & Tobago. Lebih mengagumkan, beliau adalah peserta termuda yang mengambil bahagian. Kebanyakan chef yang bertanding adalah chef yang mempunyai pengalaman dalam dunia kulinari selama bertahun-tahun. Ada juga daripada mereka yang telah menerbitkan buku masakan dan mempunyai saluran masakan sendiri. Lebih hebat lagi, Safura turut menewaskan juara bertahan dari Trinidad & Tobago yang menjuarainya tahun lalu. Tiga hidangan utama yang dipersembahkan adalah Pulut Kuning bersama Rendang Daging dan Serunding, Otak-otak bersama Acar dan Sambal Udang dan Sate Ayam bersama Kuah Kacang.



### ANAK MALAYSIA PERTAMA RAIH ANUGERAH WORLD PRIZE ACCA!



Wan Nor Mafudah, 21, yang berasal dari Kampung Tok Raja, Jerteh, Terengganu berjaya menjadi pelajar terbaik dunia atau tempat pertama dalam *World Prize Winner* selepas berjaya memperoleh 95 markah bagi Laporan Kewangan Korporat Persatuan Akauntan Bertauliah Berkanun (ACCA) pada 20 Februari 2018. Beliau telah bersaing dengan pelajar terbaik dari dalam negara dan luar negara. Pencapaian cemerlang beliau secara tidak langsung telah berjaya mengharumkan nama negara. Kejayaan tersebut merupakan rekod terbaru kerana sebelum ini kejayaan yang terdekat pernah dicapai adalah tempat kedua, ketiga, dan keenam terbaik dunia sebelum ini. Beliau yang masih menuntut di Pusat Pendidikan Antarabangsa (INTEC) Shah Alam dengan tajaan biasiswa Permodalan Nasional Berhad, tidak menjangka namanya diangkat berada di tempat terbaik dunia.

Source: <https://says.com/my/seismik/>

# PERKEMBANGAN KAKITANGAN PNS

## SENARAI NAMA PELATIH INDUSTRI JAN-APRIL 2018

BIL	NAMA	PROGRAM PENGAJIAN	PENEMPATAN
1.	AJILI BIN ARTARI	UNIVERSITI MALAYSIA SABAH (UMS) (PROGRAM TEKNOLOGI SENI VISUAL)  24 JUN 2018 – 9 SEPTEMBER 2018	PERPUSTAKAAN NEGERI SABAH WILAYAH SANDAKAN
2.	ALMALYSA AHMAD	UNIVERSITI KEBANGSAAN MALAYSIA (PENGAJIAN BAHASA MELAYU)  25 JUN 2018 – 17 OGOS 2018	PERPUSTAKAAN NEGERI SABAH CAWANGAN SEMPORNA
3.	MAISARAH HAZIQAH BT HASZLAN	KOLEJ KOMUNITI PENAMPANG (SIJIL PENGOPERASIAN PERNIAGAAN)  2 JULAI 2018 – 21 OKTOBER 2018	PERPUSTAKAAN NEGERI SABAH CAWANGAN PENAMPANG
4.	NOORINAH BINTI JAMALUDDIN	POLITEKNIK KUCHING SARAWAK (DIPLOMA KEJURUTERAAN PERKHIDMATAN BANGUNAN)  2 JULAI 2018 – 16 NOVEMBER 2018	BAHAGIAN BANGUNAN & BAHAGIAN PENYELENGGARAAN DAN PELUPUSAN ASET
5.	MOHD. EZZAM IDID BIN WASNIN	PUSAT LATIHAN TEKNOLOGI TINGGI (ADTEC) MELAKA (DIPLOMA TEKNOLOGI KOMPUTER – SISTEM)  2 JULAI 2018 – 28 DISEMBER 2018	PERPUSTAKAAN NEGERI SABAH CAWANGAN RANAU
6.	CHOK KAI VUN	GIATMARA PENAMPANG (SIJIL KEMAHIRAN MALAYSIA TAHAP 3 – KURSUS TEKNOLOGI SISTEM KOMPUTER)	BAHAGIAN SOKONGAN IT
7.	SHAUDI YUEN CHAI ER	3 JULAI 2018 – 30 SEPTEMBER 2018	
8.	NURATIQAH BINTI MOHAMAD DERIS	UITM KEDAH (DIPLOMA PENGURUSAN PERPUSTAKAAN)  23 JULAI 2018 – 30 OGOS 2018	BEBERAPA BAHAGIAN YANG BERKENAAN DI IBUPEJABAT PNS
9.	CLARE LIEANNA JUPILI	UITM KAMPUS REMBAU, NEGERI SEMBILAN (IJAZAH SARJANA MUDA SAINS MAKLUMAT (KEPUJIAN) PENGURUSAN PERPUSTAKAAN)	BEBERAPA BAHAGIAN YANG BERKENAAN DI IBUPEJABAT PNS & LIBRARY @UTC
10.	RUHIEN BT MINOL	1 OGOS 2018 – 31 DISEMBER 2018	
11.	WAHIDAYA BINTI MALUDIN	UITM KAMPUS REMBAU, NEGERI SEMBILAN (IJAZAH SARJANA MUDA SAINS MAKLUMAT (KEPUJIAN) PENGURUSAN PERPUSTAKAAN)  1 OGOS 2018 – 31 DISEMBER 2018	PERPUSTAKAAN CAWANGAN LAHAD DATU

## PERKEMBANGAN KAKITANGAN PNS

### SENARAI KAKITANGAN PERPUSTAKAAN NEGERI SABAH YANG BERSARA

**BERSARA WAJIB:**

BIL	NAMA	JAWATAN	TARIKH BERSARA
1.	MUSA BIN KAMBAR @ IBRAHIM	PEMBANTU PERPUSTAKAAN	01.07.2018
2.	YIK LIN @ LAU YUK LIN	PEKERJA AWAM	09.07.2018
3.	HO KIM YIN @ OYOT BINTI AH JEE	PEMBANTU PERPUSTAKAAN	18.07.2018
4.	TAIHIN BIN RANTAKA	PEMANDU KENDERAAN	03.08.2018

**BERSARA PILIHAN:**

BIL	NAMA	JAWATAN	TARIKH BERSARA
1.	SARIAM HJ FADZILAH	PEMBANTU PUSTAKAWAN	22.08.2018
2.	MARTINA AMIN	PEMBANTU PUSTAKAWAN	31.07.2018
3.	MAZNAH BINTI ABDUL HAMID	PEMBANTU TADBIR	01.08.2018
4.	ABDUL RAZAK BIN YUSSUF	PEMBANTU PERPUSTAKAAN	08.08.2018

### **SENARAI PERTUKARAN KAKITANGAN PERPUSTAKAAN NEGERI SABAH**

BIL	NAMA	DARI	KE
1.	AIDAH BINTI JIKUAT @ ABD LATIFF	KEMENTERIAN PERTANIAN & INDUSTRI MAKANAN	BAHAGIAN KHIDMAT PENGURUSAN & PERSONEL, IBU PEJABAT



PSSST

## ***Intai-intai PNS***


Warga kerja PNS turut tumpang gembira dengan kehadiran cahaya mata baru. Tahniah diucapkan. Semoga dengan kehadiran si comel dalam kehidupan dapat menyerikan lagi kehidupan berkeluarga.



**NAMA AYAH:** MAZOD ONDU  
**BAHAGIAN:** BHGN PENYELENGGARAAN PELUPUSAN ASET  
**NAMA ANAK:**  
**TARIKH LAHIR:** 15 JULAI 2018  
**TEMPAT LAHIR:**



**NAMA AYAH:** GARY HARRY  
**BAHAGIAN:** BAHAGIAN RANGKAIAN  
**NAMA ANAK:** KYLEIGH MEGHAN GARY HARRY  
**TARIKH LAHIR:** 21 JULAI 2018  
**TEMPAT LAHIR:** HOSPITAL LIKAS



**NAMA IBU:** SITI NURMIMI NAZWA  
**BAHAGIAN:** BAHAGIAN KOLEKSI SUMBER ELEKTRONIK  
**NAMA ANAK:** MUHAMMAD IZZUL MISHAL B. MOHD FAIZAL  
**TARIKH LAHIR:** 5 MEI 2018  
**TEMPAT LAHIR:** HWKKS KOTA KINABALU

# Intai-intai PNS

## Raihan Cinta



### Elvera & Fabriano.

Puteri kepada Ketua Kerani Perpustakaan Negeri Sabah Encik Tipun Masalon, Elvera, yang juga kakitangan PNS di Bahagian Sokongan I.T telah melangsungkan majlis perkahwinan dengan jejaka pilihan hatinya Encik Fabriano Daimon. Perkenalan bermula semenjak mereka bekerja di tempat sama iaitu di sebuah pasaraya terkemuka, selama 8 tahun hubungan cinta yang terjalin, pada tarikh 2 Julai 2018 bertempat di Gereja St. Paul's Dontorizon Penampang telah termetrai cinta antara mereka dan kini sah bergelar pasangan suami isteri.



### Nano & Abd Bayan.

Radszata atau lebih mesra dengan panggilan Nano yang bertugas di kaunter rujukan telah selamat melangsungkan majlis perkahwinan dengan Abd Bayan pada 23.06.2018. Mereka pada mulanya dipertemukan oleh keluarga dan hubungan yang terjalin telah membawa ke jinjang pelamin. Majlis persandingan telah diadakan di kampung halaman sebelah pengantin perempuan yang terletak di Kg. Tanjung Pagar Sipitang. Majlis disambut meriah dengan kehadiran rakan handai sekerta.

### Idzri & Syahdatul.

Majlis persandingan putera sulung kepada Puan Dayang Salwah telah berlangsung pada 26 Ogos 2018 bertempat di Ballroom Tun Sakaran, Bangunan Tabung Haji Kota Kinabalu. Majlis meriah disambut dengan kehadiran saudara mara serta pegawai dan kakitangan Perpustakaan Negeri Sabah.



*On your wedding day we are witness to the most  
beautiful sight ever  
A couple as perfect as you committing to spend their  
lives with each other...*

*Congratulations!!!*





# Intai-intai PNS

Tahniah diucapkan kepada Puan Nuravalina Francis Abdullah yang telah meraih naib johan dalam pertandingan Inovasi dalam Konvensyen Persatuan AKSSI Pada 6 & 7 Ogos yang lalu. Inovasi yang telah beliau lakukan ialah membuat model "BreastFeeding Pump" dan "Polistrin Board" untuk memudahkan pendidikan dan memberi kefahaman ibu-ibu yang berkerja tentang Teknik Perahan dan Pengepamam. Inovasi ini memudahkan para ibu kerana "BreastFeeding Pump" yang sebenar memerlukan taklimat dan pendidikan yang melibatkan kos. AKSSI tidak mempunyai dana untuk membeli peralatan sebenar. Berikut merupakan gambar-gambar semasa konvensyen.



## Takziah

Ucapan takziah kepada kakitangan Perpustakaan Negeri Sabah yang menerima musibah atau kehilangan orang yang tersayang. Seluruh warga kerja PNS turut hiba dan bersimpati. Kami mendoakan agar diberikan kekuatan dan tabah menerima ujian yang menimpa.

Maizatul Akmar Idris  
kakitangan Cawangan  
Penampang yang  
telah kehilangan ayah  
tersayang pada 27  
ogos 2018.

Normilla Ladahali  
Setiausaha Timb.  
Pengarah Korporat  
yang telah kehilangan  
ayah tersayang pada  
07 Julai 2018.

Fong Hon Sin @  
Violet yang bertugas  
di Bahagian Pusat  
Penyerahsimpanan  
Sabah yang telah  
kehilangan ibu tercinta  
pada 14 September  
2018.

Jaki Lenson yang  
bertugas di Bahagian  
Khidmat Pengurusan  
dan Personel yang  
telah kehilangan ayah  
tercinta pada 15 Jun  
2018.

# Book Review

## *The Pillars of the Earth* Series, Book 1 by Ken Follett. Published in 1989.

The Pillars of the Earth book tells the magnificent tale of a twelfth-century monk driven to do the seemingly impossible: build the greatest Gothic cathedral the world has ever known.

Tom, the master builder and a man divided in his soul, Lady Aliena, the ravishingly beautiful noblewoman haunted by secret shame, Philip, the prior of Kingsbridge, Jack, the artist in stone; and Ellen, the woman of the forest who casts a terrifying curse. From humble stonemason to imperious monarch, each character is brought vividly to life. With all this characters there is also a struggle between good

and evil that will turn the church against state and brother against brother.

The building of the cathedral, with the almost eerie artistry of the unschooled stonemasons, is the centre of the drama. Around the site of the construction, Follett weaves a story of betrayal, revenge, and love, which begins with the public hanging of an innocent man and ends with the humiliation of a king.

Follett has re-created the crude, flamboyant England of the Middle Ages in every detail. The vast forests, the walled towns, the castles, and the monasteries become a familiar landscape. The master storyteller draws the reader irresistibly into the intertwined lives of his characters into their dreams, their labours and their loves. This historical novel gives intrigue, fast-paced action and passionate romance.



"The master storyteller draws the reader irresistibly into the intertwined lives of his characters into their dreams, their labours and their loves."

Antonia Yogendra.  
Head of e-Resources Division

## *Up and running: your 8-week plan to go from -5k and beyond and discover the life-changing power of running*

Choosing to run as a daily exercise may be a decision that is not acceptable to everyone, especially during this time there are many more enjoyable exercise options. However, according to the author; Julia Jones (a running coach) and Shauna Reid (a lifestyle blogger), ran not only to be slim and sporty. It can change tired mothers or those who have the pressure in their daily work to be more vibrant and cheerful.

"Running is more than putting one

foot in front of the other it's an exercise in commitment and courage.

This book provides a simple, compact but easy-to-understand guide that has been proven effective for those who are interested in making running as therapy. The first question we need to ask; why do we want to run and why is it important for us? The answer to these question maybe hold our own success. The contents of this book are divided into weeks, Each week has its own plan, until the eighth week during which period you are ready to participate in any running programs. Pictures and examples of weekly training diaries are included in this book. Very interesting and motivating book

Harith Tanaisus  
Head Of Papar Branch Library

"Running is more than putting one foot in front of the other it's an exercise in commitment and courage."

FOOD FOR THOUGHTS:

**"Think before you speak. Read before you think."**

-Fran Lebowitz